

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 970744 22 St
Sarajevo, 04.07.2025. godine**

OPĆINSKI SUD U SARAJEVU, i to stečajni sudija Sedina Duraković, u stečajnom postupku nad imovinom stečajnog dužnika „ZRAK“ Dioničko društvo za preciznu mehaniku, optiku, optoelektroniku i elektromehaniku Sarajevo sa sjedištem na adresi Adema Buće broj 148, Sarajevo-Noví Grad - U STEČAJU, van ročišta, dana 04.07.2025. godine, donio je slijedeće:

R J E Š E N J E

Mijenja se Tabela broj 65 0 St 970744 22 St od 08.02.2024. godine na način:

Da se u koloni „stečajni povjerilac“ pod rednim brojem 79. (1-150) upisuje „stečajni povjerilac“ BNT „Tvornica mašina i hidraulike“ d.d. Novi Travnik i u koloni „napomena“ upis – Ugovor o ustupanju potraživanja od 26.12.2024. godine.

U preostalom dijelu Tabela od 08.02.2024. godine ostaje neizmijenjena.

Prima se na znanje prenos prava u iznosu od 6.563.969,92 KM koja u ovom stečajnom postupku imaju stečajni povjerioci iz tabele pod rednim brojem 79. (1-150) prema stečajnom dužniku „ZRAK“ Dioničko društvo za preciznu mehaniku, optiku, optoelektroniku i elektromehaniku Sarajevo sa sjedištem na adresi Adema Buće broj 148, Sarajevo-Noví Grad - U STEČAJU na novog stečajnog povjerioca BNT „Tvornica mašina i hidraulike“ d.d. Novi Travnik.

O b r a z l o ž e n j e

Rješenjem ovoga suda broj gornji od 14.04.2023. godine, otvoren je stečajni postupak nad imovinom stečajnog dužnika „ZRAK“ Dioničko društvo za preciznu mehaniku, optiku, optoelektroniku i elektromehaniku Sarajevo sa sjedištem na adresi Adema Buće broj 148, Sarajevo-Noví Grad.

U toku postupka na ispitnom ročištu, stečajni upravnik je izjašnjavajući se po pristiglim prijavama priznao prijavljeno potraživanje povjerilaca iz tabele od 08.02.2024.godine pod rednim brojem 79. (1-150) u iznosu od 6.563.969,92 KM i to iznos od 6.520.430,23 KM svrstao u viši isplatni red, a iznos od 43.539,35 KM svrstao u opći isplatni red.

Navedeno priznato potraživanje stečajnih povjerioca je uvršteno u Tabelu sačinjenu dana 08.02.2024. godine.

Podneskom od 30.04.2025. godine Advokatsko društvo „Adil Lozo i drugi“ d.o.o. Travnik kao punomoćnik povjerioca pod rednim brojem 79 (1-150) iz tabele od 08.02.2024.godine je obavijestio sud da je dana 26.12.2024. godine između povjerilaca pod rednim brojem 79. (1-150) zastupanih po punomoćniku i BNT „Tvornica mašina i hidraulike“ Novi Travnik zaključen Ugovor o ustupanju potraživanja kojim Ugovorom su povjerioci iz tabele od 08.02.2024.godine

pod rednim broj 79. (1-150) u korist BNT „Tvornica mašina i hidraulike“ Novi Travnik ustupili potraživanje prema stečajnom dužniku u iznosu od 6.563.969,92 KM.

U prilogu zahtjeva dostavljen je Ugovor o ustupanju potraživanja od 26.12.2024. godine u koji je sud izvršio uvid, te utvrdio da je zaključen između povjerilaca pod rednim brojem 79. (1-150) iz tabele od 08.02.2024.godine zastupanih po punomoćniku i BNT „Tvornica mašina i hidraulike“ Novi Travnik, te da su ugovorne strane sporazumno utvrdile ustupanje potraživanja u iznosu od 6.563.969,92 KM koje imaju povjerioci pod rednim brojem 79. (1-150) od dužnika „ZRAK“ Dioničko društvo za preciznu mehaniku, optiku, optoelektroniku i elektromehaniku Sarajevo sa sjedištem na adresi Adema Buće broj 148, Sarajevo-Noví Grad.

Podneskom zaprimljenog kod suda dana 04.07.2025. godine stečajni upravnik se izjasnio da je saglasan da se u Tabelu stečajnih povjerilaca od 08.02.2024.godine umjesto povjerilaca pod rednim brojem 79. (1-150) uvrsti povjrilac BNT „Tvornica mašina i hidraulike“ Novi Travnik.

Imajući u vidu predmetni Ugovor o ustupanju potraživanja od 26.12.2024. godine, priznato potraživanje povjerilaca pod rednim brojem 79. (1-150) iz tabele od 08.02.2024.godine kao stečajnih povjerioca to je sud i odlučio da se Tabela od 08.02.2024. godine izmijeni na način kako je to odlučeno u izreci rješenja.

Imajući u vidu navedeno sud je shodno članu 178. stav 4. Zakona o stečaju odlučio kao u izreci rješenja.

Stečajni sudija
Sedina Duraković

Pouka o pravnom lijeku:

Protiv ovog rješenja, može se izjaviti žalba Kantonalnom sudu u Sarajevu, u roku od 8 dana. Žalba se izjavljuje u tri primjerka putem ovog suda